

99

QEEMTI BAATEIN

URDU IN ROMAN SCRIPT

Jama-o-Tarteef

Mufti Md. Zainuddin Qasmi Viqarabadi

Pasand Farmoda
Hazrath Maulana
Md. Abdul Qavi Sahab



99

QEEMTI BAATEIN

INTER AMAL KATHHEMAM KIJIYE
(Dua' aur Hadith ki roshni mein)

URDU IN ROMAN SCRIPT

Paas-e-Faimooda

Hazrat Maulana Md. Abdul Qavi Sahab
Rasool-e-Karim (S.A.W)

Amal-o-Faiz

Mufti Md. Zainuddin Qasmi Vigarabadi
Maktaba-e-Sunnat-e-Nabawi (S.A.W)



© Urdu roman copy right reserved with publishers.

All rights reserved. No part of this publication may be reproduced or transmitted in any form or by any means, electronic or mechanical including photocopy, recording or any information storage and retrieval system without the permission in writing from the publishers.

99 QEEMTI BAATEIN

IN PER AMAL KA EHTEMAM KIIYE
(Qur'an aur Hadees ki roshni mein)

URDU IN ROMAN SCRIPT

Jama-o-Tarteef

Mufti Md. Zainuddin Qasmi Viqarabadi

Imam-o-Khateeb Masjid Arfat, Viqarabad

Presented by : **Syed Abdul Basit Shakeel**
First Edition : **May, 2014, (1000 copies)**
Pages : **40**
Price : **Rs. 10/-**

Published by :


HUDA
PUBLICATIONS

#455, Near City Civil Court
Purani Haveli, Hyderabad - 2
Ph. : 040 24514892, 66481637
Email : hudabook@yahoo.com
www.hudabookshyd.com



TAQREEZ

*Hazrat Maulana Mufti Mohammed
Abdul Moghni Sahab Madzala Al Ali*

Nazim Madrasa Sabil Alfalah, Hyderabad

Azeezam Maulvi Mohammed Zainuddin Salma maulim madrasa Darul Uloom Sabeel-Al-Huda, Viqarabad wa Imaam Masjid Arafat, Viqarabad ne Qur'an wa hadees ke zakheere mein se 99 qeemti naseehatein jama ki hain aur inko aam faham andaaz mein murattab kiya hai. Ye aqwal zareen aur qeemti naseehaton ka majmua hai aur awaam ki sahulat ke liye pocket size mein print karane ka irada

rakhte hain. Ahqar ne is majmua ko dekha hai, awaam ul naas ke liye mufeed aur na'fay maloom hua. Haq Ta'ala azeezam ki is kawish ko qubool farmaye aur awaam muslimeen ko istefada ka mauqa bakhshhe.

Ameen.

Maktabe Ashraf



TAQREEZ

*Hazrat Maulana Syed Ahmed Wameez
Nadwi Sahab Madzala Al Ali*

Ustaaz Hadees Darul ul-loom Hyderabad

نحمدہ ونصلی علی رسولہ الکریم - اما بعد!

Mufti Zainuddin Qasmi Viqarabad se ta'luq rakhne waale naujawan aalim deen hain jo khidmat deen wa islah ummat ka bepanah jazba rakhte hain, Darul ul-loom Sabeel Al-Huda, Viqarabad mein tadrisi khidmaat anjaam de rahe hain, inhone aam musalmanon ki islah ke liye. "99 qeemti baatein", Ke unwaan se ek nihayat mukhtesar lahiya amal murrataab kiya hai

jo intehayi, mufeed aur saare afraad-e-ummat ke liye qabil-e-amal hai. Is mein darj ki gayi "99 baatein" darasal poore islam ka khulasa aur shariyat islami ka lab labab hain. Agar koi in baaton ko madde nazar rakh kar zindagi guzare to wo ek sachcha aur kamil musalaman keh layega. Maujuda adeem alfarsati ke daur mein is tarah ke mukhtasar kitabchaon ki shadeed zaroorat hai. Zakheem aur muffasil kitaabon ke mutale ke liye logon ko fursat nahi. Is mein mazkura har baat Qur'an wa Hadees ke hawalon se mazeen kar di gayi hai. Khudawand Qudus se dua hai ke wo isko nafay banaye aur aam musalamanon ko 99 baaton ki roshni mein zindagi guzarne ki toufeeq aata farmaye.

Ameen.



TAQREEZ

*Mohitaram Maulana Mohammed Musadiq
Al Qasmi sahab Madzala Al Ali*

Nazim Ta'limaat Idara Ashraf-ul-loom Trust, Hyderabad.

نحمدہ ونصلی علی رسولہ الکریم - اما بعد!

Maujuda daur mein Alhamdulillah bahut se ulma karaam, awam-ul-naas ke mizaaj ke pesh nazar- chote chote rasael, kitabche aur charts tayyar kar rahe hain jin se kam waqt mein bahut nafa ho raha hai. Is tarah hamare azeez Maulana Zainuddin Sahab Qasmi jinhone mashallah idara Ashraf-ul-loom Hyderabad se apne taleemi safar ka agaaz kiya aur Azhar

Hind Darul uloom deoband se faragat ke baad deeni khidmat mein badi fikron ke saath lage hue hain. Allah Ta'ala ne salahiyat wa salehiyat donon ataa farmayi hain, unhone bahut mukhtesar lekin bahut hi mufeed.....Qur'an wa hadees ki roshni mein amaal par ubhaarne wala..... kitabcha tayyar kiya hai. Allah Ta'ala inhe mazeed likhne ki toufeeq ataa farmaye aur Qur'an wa hadees ki hidayat par saari umaat-e-muslima ko amal ki toufeeq naseeb farmaye.

Ameen.



PESH LAFZ

نحمدہ ونصلی علی رسولہ الکریم - اما بعد!

Khudaye Zul Jalal ki toufeeq aur iski inayat khasa ke tufail ahqar ne – 99 qeemti baaton – ka majmua Quran wa hadees ke zakheere se ummat-ul- muslimeen ke nafa ke liye aam faham andaaz mein jama kiya.

Chunke maujuda daur ki bepanah mashguliyaat wa masrufiyaat ne deeni taalimaat par mushtamil zakheem aur tafseeli kitaabaon ke padhne se logon ko beniyaz kardiya hai iske bil muqabil modalal aur aam faham andaaz mein tarteef diye gaye mukhtesar kitabche aur

charts ke padhne aur in par amal karne ki fiza ab har taraf chayi hui hai.

Is surat-e-haal ko madde nazar rakhte hue ahqar ne – “99 qeemti baatein”—ko kitabche ki shakal di hai jo miqdaar mein thode hain aur jinke padhne mein poori sahulat bhi hai.

Allah Ta'ala jazaye khair ataa farmaye Hazrat Maulana Mufti Mohammed Abdul Al Moghni Sahab, Maulana Musadiq Al Qasmi Sahab, Maulana Ahmed Wameez Nadwi Sahab ko ke in akabireen ne kitabche ko dekha aur pasandeedgi ka izhaar farmaya, zaroori tarmeem aur qeemti mashwaron se bhi nawaza.

Naiz Rafikhan Mukram Mufti Mashhud Uddin Qasmi wa Mufti Wasi Al Rehman Qasmi asateza Idara Ashraf-ul-loom ki

tawajah aur qeemti mashware bhi shamil-e-haal rehe. Allah kare ke ye ibtedayi koshish andallah qubool ho aur ahqar wa qarain ke liye zakheera akhirat ka waseela ban jaye.


Ameen.

Wasalam

Mohammed Zainuddin Qasmi

29\ shaban ul mauzam 1434 hijri

*(Bamuqam masjid Akbari, Akbar Bagh,
Hyderabad)*



1- *Allah ki yaad se apne dil ko taaza dam rakha ki jiye.*

Is liye ke khuda ki yaad quloob ke liye itmenaan ka zariya hai. (Surah Raad, 28)

2- *Allah ki zaat aali par mukamil bharosa kijiye*

Is liye ke Allah Ta'ala tawakal karne walon ko mehboob rakhte hain. (Surah Nisa)

3- *Shirk wa asbaab shirk se bacha kijiye.*

Isliye ke mushrik ki maghfirat bilkul nahi hai. (Surah Nisa, 116)

4- *Sabr aur namaz ke zariye madad talb kiya kijiye.*

Isliye ke Allah ki (madad) sabereen ke saath hai. (Surah Baqra, 153)

5- *Apni zindagi ke tamaam shobaon mein sunnat-e-Rasool ka ehtemaam kijiye.*

Isliye ke uswaye Rasool ﷺ hi mein kamiyabi hai. (Surah Ahzaab, 21)

6- *Sachchon ki sohbat ekhtiyar kiya kijiye.*

Isliye ke sachchon ki sohbat aadmi ko taqwa ke martaba kamaal tak pahoncha deti hai. (Surah Tauba, 119)

7- *Shaitan ki pair-wi se bacha ki jiye.*

Isliye ke wo (insan) ke liye khula hua dushman hai. (Surah Baqra, 208)

8- *Haq ko batil ke saath gutmat karke pesh karne se bacha kijiye.*

Isliye ke is amal par Allah ki sakht daant hai. (Surah Baqra, 42)

9- *Ahl-e-ilm aur be-ilm ke darmiyan imtiyaz qayam kijiye.*

Isliye ke ahl-e-ilm aur be ilm kabhi bhi barabar nahi hosakte. (Surah Zamar, 9)

10- *Neik-o-kari ka hukm dene ke saath is par amal bhi kiya kijiye.*

Isliye ke logon ko hukm dekar khud is par amal se gafil rehna yahudiyon ki sifat hai. (Surah Baqra, 44)

11- *Subah wa sham alaniya sadqe wa khairaat ka ehtemaam kijiye.*

Isliye ke ye ahl-e-imaan ki ahem sifat hai. (Surah Al Imran, 274)

12- *Allah Rabul Izzat ki tamaam ne'maton ki shukarguzari mein raha kijiye.*

Isliye ke nematon par shukar guzari izafe ka sabab hai. (Surah Ibrahim, 8)

13- *Israaf se bachne ki mukamal koshish kijiye.*

Isliye ke israaf karne walon ko Allah pasand nahi karta. (Surah Inaam, 141)

14- *Fitna sazi se bachne ki mukamil koshish kijiye.*

Isliye ke fitna (ka gunah) qatal se badh kar hai. (Surah Baqra, 217)

15- *Apni pasandeeda cheez ko Allah ki raza ke liye diya kijiye.*

Isliye ke pasandeeda cheez ko dekar hi kamil neiki ka ajar pasakte ho.

(Surah Al Imran, 92)

16- *Rishwat lene aur dene ke gunah se bacha kijiye.*

Isliye ke rishwat lene wala aur dene wala donon jahanumi hain.

(Tirmizi)

17- *Hazrat Nabi Mukram ﷺ par bakasrat darood padhne ka ehtemaam kijiye.*

Isliye ke Aap ﷺ par ek dafa darood padhne se Allah ki 10 rehmatein utarti hain.

(Muslim)

18- *Badgumani ke gunah se bacha kijiye.*

Isliye ke badgumani sab se bada jhoot hai.

(Bukhari, 5829)

19- *Hamesha sach bolne ka ehtemaam kijiye.*

Isliye ke jhoot bolna munafiq ki alamat hai.

(Muslim: 211)

20- *Apne khaliq se husn-e-zan rakha kijiye.*

Isliye ke Allah ke faisle bande ke gumaan ke mutabiq hote hain.

(Muslim, 4829)

21-Allah Ta'ala se maangne ki sifat ko na bhula kijiye.

Isliye ke Allah se maangna hi tamaam ibadaton ka khulasa hai. (Tirmizi, 3371)

22-Qur'an Majeed seekhne aur seekhane ka ehtemaam kijiye.

Isliye ke sab se behtar shakhs wo hai jo Qur'an Majeed seekhe aur seekhaye. (Bukhari, 4836)

23-Namaz mein saffaon ke darust rakhne ka ehtemam kijiye.

Isliye ke saffaon ki adam darustgi apassi ekhtelaf ka sabab hai. (Bukhari)

24-Neik kaam karen ya iski taraf rehnumayi ki koshish ki jiye.

Isliye ke neik kaam ki rehbari bhi isko anjaam dene ke mutradif hai.

(Al Targeeb: V1/P 120)

25- *Dhoka dahi se apne aap ko bachaya kijiye.*

Isliye ke jo dhoka de wo hum mein se nahi hai. (Muslim, 284)

26- *Amanat mein khiyanat karne se bacha kijiye.*

Isliye ke amanat mein khiyanat karna ye momin ki alamat nahi hai.

(Muslim, 211)

27- *Ilm deen ko raza-e-Ilahi ke liye hasil kiya kijiye.*

Isliye ke digar fasid niyaton (izzat, shohrat, riyakari) se hasil karna dakhool-e-jahanum ka sabab hai.

(Tirmizi, 2655)

28- *Wazu ko mukamil sunnaton ke ehtamaam ke saath kiya kijiye.*

Isliye ke wo wazu jo kamil sunnaton ke saath hoga wo agle peechle gunahon ke mitne ka zariya hoga.

(Majmua Al Zuwaid, 542)

29- *Walid ki duaen hamesha liya kijiye.*

Isliye ke walid ki dua aulaad ke haq mein qubool hoti hai.

(Abu Dawood, 15386)

30- *Ahl-e-imaan par laan taan karne se bacha kijiye.*

Isliye ke mominon par laanat karna inko qatal karne ke manind hai. (Muslim, 303)

31- *Khud ko salam karne mein aage rakha kijiye.*

Isliye ke salam mein pahel karne wala takabur se bari hoga.

(Baheqi Shab Ul Imaan, 433)

32- *Layani (fuzool, bekaar) cheezon se bachne ki koshish kijiye.*

- Isliye ke musalmaan ki khoobi ye hai ke wo layani cheezon se bachta hai.

(Tirmizi, 2317)

33- *Dusron se sirf Allah hi ke liye mohabbat kiya kijiye.*

Isliye ke wo sab se afzal kaam hai.

(Abu Dawood, 4599)

34- *Dusron se sirf Allah hi ke liye bagz kiya kijiye.*

Isliye ke wo sab se ooncha amal hai.

(Aizan)

35- *Takabur jaise mehluk marz se bacha kijiye.*

Isliye ke jis shakhs ke dil mein zara barabar takabur hoga wo jannat mein na jayega.

(Muslim, 267)

36- *Laa ilaha illal laahu ke ward ka ehtemaam kijiye.*

Isliye ke laa ilaha illal laahu imaan ki aala shaaq hai. (Muslim, 153)

37- *Raaston se takleefda cheezon ka hataya kijiye.*

Isliye ke ye husool-e-imaan ka asaan zariya hai. (Muslim)

38- *Daman-e-haya ko daagdaar hone se bachaya kijiye.*

Isliye ke haya imaan ka ahem shoba hai. (Muslim)

39- *Dusron ke liye nafay ban ne ki koshish kijiye.*

Isliye ke behtareen shakhs wo hai jo dusron ko nafa pahonchaye.

(Dar Qatni, 661\2)

40- *Zalim ban ne ya mazloom hone se bachne ki dua kijiye.*

Isliye ke Huzoor ﷺ ne in donon cheezon se panha maangi hai.

(Abu Dawood, 5094)

41- *Gumrah hone ya gumrah kun shai se bachne ki dua kijiye.*

Isliye ke Huzoor ﷺ ne in donon baton se panah maangi hai.

(Abu Dawood, 5094)

42- *Makhloq ki etaa'at mein khaliq ki nafarmani se bacha kijiye.*

Isliye ke makhloq ki etaa'at mein khaliq ki nafarmani jayaz nahi.

(Ahmed)

43- *Gunahon se tauba wa astaghfaar ka ehtemaam kijiye.*

Isliye ke Allah tauba karne walon ko pasand karte hain. (Sureh Baqra, 222)

44- *Narm mizaji ko apna shewa banaya kijiye.*

Isliye ke jo narm mizaji se mehroom raha wo saari bhalayi se mehroom raha. (Muslim, 6598)

45- *Ulma-e-deen ki tazeem wa tawaqeer kiya kijiye.*

Isliye ke jo ulma ki qadar na kare wo ummat-e-muslima mein se nahi.

(Majmua Al-Zuwaid, J\338)

46- *Chotaon ke saath shafaqat ka muamla kijiye.*

Isliye ke jo chotaon par shafaqat na kare wo ummat-e-muslima mein se nahi. (Majmua Al-Zuwaid)

47- *Badon ki bharpur taazeem kiya kijiye.*

Isliye ke jo badon ki taazeem na kare
wo ummat-e-muslima mein se nahi.

(Majma Al-Zuwaid)

48- *Apni aulaad ki deeni tarbiyat ki fikar kijiye.*

Isliye ke walid ki taraf se is ki aulaad
ke liye deeni tarbiyat se badh kar koi
tohfa nahi.

(Tirmizi, 1952)

49- *Apne musalmaan bhai se teen din se zyada qata-e-ta'luq na kijiye.*

Isliye ke teen din se zyada qata-e-
ta'luq karne wala jahanumi hai.

(Abu Dawood, 4914)

50- *Apne aap ko paak daman rakha kijiye.*

Isliye ke mardaon ki paak damni
khud un ki auraton ki paak damni ka
zariya hai.

(Majmua Al Zuwaid)

51- *Khuwa deeni kaam ho ya duniyawī is se qabl namaz ka ehemaam kijiye.*

Isliye ke Huzoor ﷺ kisi bhi amar ke pesh aane par awalan namaz padhte the. (Abu Dawood, 1319)

52- *Farz namazein ba jamat adaa kijiye.*

Isliye ke bajamat namaz enfaradi namaz se 27 darje fazilat rakhti hai.

(Muslim, 1477)

53- *Tijarat, sachayi aur amanatdari ke saath kiya kijiye.*

Isliye ke sachayi wa amanatdari ke saath tijarat karne wala sadiqeen aur shuhada ke saath hoga.

(Tirmizi, 1209)

54- *Salam ke baad musafaha ki koshish kijiye.*

Isliye ke musafaha salam ki takmeel ka zariya hai. (Tirmizi, 2730)

55- *Apne bhaiyon ki (jayaz) zarooraton ko poora karne ki koshish kijiye.*

Isliye ke jo apne bhai ki zaroorat poora karega Allah iski jayaz zarooraton ko poora karenge. (Abu Dawood, 4893)

56- *Mehmaan ki bharpur taazeem kiya kijiye.*

Isliye ke ye momin ki shaan hai.

(Muslim, 50)

57- *Loot maar daaka zani se bacha kijiye.*

Isliye ke jo loot maar karein wo hum mein se nahi. (Tirmizi, 1123)

58- *Baham musafaha ka ehtemaam kijiye.*

Isliye ke musafaha se keena khatam hojata hai. (Mauta Malik, 706)

59- *Appas mein hadya dene ka mamool rakha kijiye.*

Isliye ke hadya appas mein mohabbat badhane ke saath dushmani ko door karta hai. (Mauta Malik, 706)

60-*Hasad jaise mehluk marz se bacha kijiye.*

Isliye ke hasad ye deen ko barbaad kardeta hai. (Abu Dawood, 4903)

61-*Dhoka bazi karne se bacha kijiye.*

Isliye ke dhokebaaz jannat mein dakhil na hoga. (Tirmizi, 1923)

62-*Sifat-e-bakhal se bachne ki koshish kijiye.*

Isliye ke bakheel jannat mein dakhil na hoga. (Tirmizi)

63-*Ehsaan jatane ki mazmoom sifat se bacha kijiye.*

Isliye ke ehsan jatane wala jannat mein dakhil na hoga. (Tirmizi)

64-*Fagra se mohabbat aur inke saath hamnashini ekhtiyaar kijiye.*

Isliye ke Huzoor ﷺ ne in se mohabbat aur hamnashini ki targeeb di hai.

(Al-Hakim, 4/332)

65- *Arbon se dil se mohabbat kiya kijiye.*

Isliye ke Huzoor ﷺ ne iski targeeb di hai. (Al-Hakim, 4/332)

66- *Mauzneen ki betazimi karne se bacha kijiye.*

Isliye ke mauzneen qayamat ke din zyada lambi gardan wale honge.

(Muslim, 852)

67- *Deen-e-qeem ko islam maana kijiye.*

Isliye ke wo halawat imaan ke milne ka sabab hai.

68- *Nabi ﷺ ko sachcha rasool maana kijiye.*

Isliye ke wo bhi halawat imaan ke husool ka wasila hai.

69- *Qatal momineen ke jurm-e-azeem se bacha kijiye.*

Isliye ke qatal momin Allah ke nazdeek saare duniya ke khatam hojane se badhkar hai. (Nisayi, 3995)

70-Beemaron se dua ki darkhust kiya kijiye.

Isliye ke beemaron ki dua farishton ki tarah qubool hoti hai. (Ibn Maja, 1441)

71-Kisi bhi kaam se pehle Insha Allah kaha kijiye.

Isliye ke Allah ki mashiyat ke baghair koi kaam nahi hota. (Sureh Kahaf, 23)

72-Achchi baaton ka hukm aur buri baaton se roka kijiye.

Isliye ke ye ummat-e-muslima ki imtiyazi khususiyat hai.

(Surah Al-Imran, 110)

73-Allah ke gharon ko abaad kiya kijiye.

Isliye ke masjid ko abaad karna ahl-e- imaan ki zimmedari hai.

(Surah Tauba, 18)

74- *Azaan wa aqamat ke darmiyan dua ka mamool banaya kijiye.*

Isliye ke azaan wa aqamat ke darmiyan ki jaane wali dua qubool hoti hai.

(Tirmizi, 3594)

75- *Husn-e-khatma ke liye dua kiya kijiye.*

Isliye ke (zindagi) ke tamaam amaal ka aitbaar (umdah) khatma par hai.

(Bukhari)

76- *Apne amaal mein ikhlaas paida kijiye.*

Isliye ke ikhlaas hi qubooliyat-e-amaal ki rooh hai.

(Nisayi, 3142)

77- *Posheeda taur par sadqa dene ki koshish kijiye.*

Isliye ke posheeda sadqa karna Allah ke gusse ko thanda karta hai.

(Majmua Al-Zuwaid, 3/293)

78- *Parhezgari, makhlooq se beniyazi, gumnaami (jaisi umdah) sifaat ko ekhtiyaar kiya kijiye.*

Isliye ke Allah in sifaat ke hamil bande ko pasand farmate hain.

(Muslim, 7432)

79- *Namaz miswak kar ke padhne ki koshish kijiye.*

Isliye ke miswak kar ke padhi jaane wali namaz baghair miswaak ke adaa ki jaane wali 70 rakatein padhne se afzal hai.

(Majmua Al-Zuwaid: 2/ 263)

80- *Har achchi baat ko teen dafa kehne ka ehtemaam kijiye.*

Isliye ke Huzoor ﷺ iska ehtemaam farmate the, taa'ke mukhatibeen baat ko achchi tarah samajh jayen.

(Bukhari, 95)

81-Kutmaan-e-ilm ke jurm se bacha kijiye.

Isliye ke ba roz-e qayamat kutmaan-e-ilm karne wale ke moo mein aag lagadi jayegi. (Abu Dawood, 3658)

82-Gunah hote hi fauri tauba karliya kijiye.

Isliye ke behtareen shakhs wohi hai jo gunah ke saath hi tauba karlein.

(Tirmizi, 2499)

83-Allah ke qadir-e-mutlaq hone ka yaqeen kijiye.

Isliye ke Allah har cheez par qudrat rakhte hain. (Surah Baqra, 20)

84-Neik kaamon mein niyat darust rakha kijiye.

Isliye ke saare amaal niyat ke mutabiq qubool hote hain. (Bukhari)

85- *Dusron par rahem wa karam ka rawaiya barta kijiye.*

Isliye ke Allah us shakhs par rahem nahi karte jo logon par rahem na karein. (Tirmizi, 14)

86- *Chogalkhori se khud ko bachaya kijiye.*

Isliye ke chogal khor jannat mein dakhil na hoga. (Bukhari, 6056)

87- *Rishta todhne se bacha kijiye.*

Isliye ke rishta todne wala jannat mein dakhil na hoga. (Bukhari, 5984)

88- *Zulm karne se khud ko door rakha kijiye.*

Isliye ke zulm roz-e-qayamat andheron ki surat mein hoga.

(Bukhari, 2384)

89-*Amaal saleha mukhtesar hi ho magar pabandi se kiya kijiye.*

Isliye ke Allah ke yahan pasandeeda amal wohi hai jo pabandi se kiya jaye agarcha miqdar mein thoda hi kyun na ho. (Muslim)

90-*Apne akhlaaq ko umdah rakha kiya kijiye.*

Isliye ke momin achche akhlaaq ki wajha se roza rakhne wale aur raat bhar ibadat guzar ke muqam ko paa leta hai. (Abu Dawood, 479)

91-*Har suni hui baat ka zikar karne se bacha kijiye.*

Isliye ke aadmi ke jhoota hone ke liye yahi kaafi hai ke wo har suni hui baat ko naqal kardein.

92- *Padosiyon ko takleef dene se bacha kijiye.*

Isliye ke padosiyon ko takleef dene wala jannat mein dakhil na hoga.

(Muslim, 50)

93- *Paak wa saaf rehne ka ehtemaam kijiye.*

Isliye ke paak rehna adha imaan hai.

(Muslim)

94- *Rasum wa bid'at se apni amli zindagi ko bachaya kijiye.*

Isliye ke har bid'at gumrahi hai.

(Muslim)

95- *Apne gusse par qaboo rakha kijiye.*

Isliye ke pahelwaan wo hai jo gusse ke waqt nafs par qaboo paa le.

(Bukhari, 6114)

96- *Apni khuwahishaat ko shariyat ke ta'bey banaya kijiye.*

Isliye ke kamaal-e-imaan ke liye ye amal zaroori hai. (Al-Bagwi, 213)

97- *Gunah-e-geebat se bachne ka bharpur ehtemaam kiya kijiye.*

Isliye ke geebat (ka gunah) badkaari se bhi badhkar hai. (Mishkat)

98- *Zubaan aur sharmgah ko ma'asiyat ke daldal se bachaya kijiye.*

Isliye ke in donon ki hifazat par jannat ki basharat hai. (Bukhari)

99- *Allah ke (99) naam yaad karne ka ehtemaam kiya kijiye.*

Isliye ke jo in ko achchi tarah yaad karlein wo jannat mein dakhil hoga.

(Tirmizi)

NOTE

Wazeh rahe ke mazkura tamaam baatein Qur'an wa hadees ki roshni mein hai Albatta hubahu ayaat wa ahadees ka tarjuma nahi balke sirf mafhoom darj hai.

Ahl-e-ilm hazrat kisi qism ki kami mehsoos karein to zaroor mutalah farmayen, ahqar iske liye behad mamnun wa mashkur rahega. Allah Ta'ala hum tamaam ko in baaton par sidq dil se amal ki toufееq naseeb farmaye.

Ameen Ya Rabb- ul-Aalimeen